

二如亭群芳譜




果譜小序

周官備物實籩必藉夫乾榛衛侯與邦樹木不
遺乎榛栗蓋先王制禮本人情盡物曲不貴異
物不重難得郊廟以廣仁孝燕享以示慈惠下
逮郡邑閭里交際往來莫不惟禮是憑焉果蓏
二十用佐五穀載在方冊千古不易已苟品物
弗具卽誠敬其奚將若物性未達卽培植其奚


蓏音裸

展勿曰吾不如老圃君其問諸圃人也作果譜

濟南王象晉蓋臣甫題



二如亭群芳譜亨部目錄



第四冊

果譜小序

果譜首簡

衛果

種果

栽果

扞果

接果

過貼

壓枝

順性

息果

澆果

嫁果

脫果

駙果

摘果

收果

製果

課果

果名

果異

果徵

果害

果譜一 膚果十二種 附錄十種

梅 附茶梅

林禽

柰

蘋果

梨

棠梨

棣棠

櫻桃

枇杷

木瓜

附 榲子

榲櫨

榲梓

葡萄

附 野葡萄

無花果

附 文光果

古度子

天仙果
君遷子

槃多樹

群芳譜果譜一目錄

二如亭群芳譜

果譜簡首

衛果

衛花同

元旦日未出時用朱幡画日月七星像每遇風

起暨園內東牆下卽大風發屋拔木園內花果

無損

崔元徽
故事

元旦及端午日於五鼓以斧雜

斫諸果樹又春社日以物舂百果樹根下則子

繁而不落不結實者亦用此法 元旦端午雞

鳴時以火照諸果樹無虫且結子繁盛 凡諸

果樹花盛時一遭霜卽無實遇三九內有雨入

春百日内必有霜預於園中多積亂草遇天雨

初晴北風寒切此夜必有濃霜焚草上風煙氣

所觸霜不爲害 棗熟着霧則多損以縹麻或

稽穰四散絰樹上可避霧 凡樹根下常耘草

令淨草多則引虫蠹亦能分地力樹下勿使有

坑坎雨後水漬根朽葉黃宜令平滿比地面高

三五寸爲妙 凡果樹蠹虫宜盡去之其法用

鐵線作鈎取之一法用硫黃或雄黃作煙薰之

卽死或用桐油紙燃塞之亦驗

王禎
農書

又當虫

未出時凡聚葉腐枝皆虫所窟穴宜盡去之清

明日三更以稻草縛樹上不生戴毛虫 林擒

樹生毛虫埋蠶蛾於樹下或以洗魚水澆之卽

止 桃樹生虫以多年竹燈架掛樹上卽落

生人髮掛果樹上鳥鵲不敢偷食 木瓜石榴

等樹十月後以穀草或稻草將樹身包裹用糝
麻綫定泥封以糠粃培壅其根免致霜雪凍損
種果

地不厭高土肥爲上鋤不厭數土鬆爲良又要
各按時節臨下子時必日中晒乾擇淨然後合
浸者浸之不浸便用撒入鬆土子細者撒在上
面下子訖卽用糞蓋成行與打潭種者亦然下
子日要晴雨則不出三五日後又要雨旱則不

生須頻潑水 若桃杏之類須擇美而大者作
種待極熟時望前于向陽煖處寬掘坑深尺餘
牛馬糞和土填半坑取核尖頭向上排定旋以
糞土填平至春生芽萬不失一水浸風吹則仁
腐不生桃杏宜和肉種俟成小樹帶土移栽大
率兩步一株又云桃宜稀李宜密杏宜近人家
凡種盆中花果須先儲土夏月取陽溝中泥
晒乾敲細頻澆糞旋晒乾數次後一層土一層

草燒二三遍收無雨處入盆栽種自然茂盛

栽果

栽果宜望前茂而多實望後則實少栽後時澆水頻覆土勿太乾乾則根不行勿太溼溼則根易腐勿露空隙有隙則風易入如根無宿土者但深掘坑以清糞水和土成泥栽於泥中輕提起使樹根與地平則舒暢而不拳屈三四日後方用水澆灌四圍用木架縛穩勿令搖動無不

活者栽後以棘茨圍樹四週則人畜不能損棘
氣暎又可避霜凡栽種以二月爲上宜六儀母
倉除滿成收開及甲子巳巳戊寅巳卯壬午癸
未巳丑辛卯戊戌巳亥庚子丙午丁未戊申壬
子癸丑戊午巳未等日忌死炁乙日建破西風
及火日又鄉俗以八月十三至廿三此十日爲
詹家天忌栽植

扞果

諸果於三月上旬取直好枝如拇指大長三尺
插大芋或大蘿蔔蕪菁中種之皆活三年後成
樹全勝種核 一說凡扞插花木先于肥地熟
剮細土成畦用水滲定正月間樹芽將動揀肥
旺直條拇指大者斷長尺餘每條下削成馬耳
狀以小杖刺土深約與樹條過半然後以條插
入以土壅實每穴相去尺許常澆令潤搭棚蔽
日至冬換作腴蔭次年去之俟長高移栽扞插